



REPUBLIKA E SHQIPËRISË



**BASHKIA SHKODËR**



**OPERA DELLA DIVINA PROVVIDENZA**

**MADONNINA DEL GRAPPA**

Nr. 1858 Prot

Nr. 7 Prot

Shkodër, më 30.01.2024

Shkodër, më 30.01.2024

### MARRËVESHJE BASHKËPUNIMI

E lidhur sot në Bashkinë Shkodër, me datë \_\_\_/\_\_\_/\_\_\_, ndërmjet palëve si më poshtë vijon:

**Bashkia Shkodër**, me Kryetar të Bashkisë Shkodër **Z. Benet Beci**, përfaqësuar në këtë marrëveshje me vendim delegimi nga Zv/Kryetari Z. Onid Bejleri, madhor dhe me zotësi juridike të plotë për të vepruar, adresë: Rruga 13 Dhjetori, Nr.1- Shkoder, këtej e tutje e cilësuar si Bashkia.

*dhe*

**Opera Divina Prov. Madonnina d. Grappa**, regjistruar sipas vendimit të gjykatës nr. 132, dt 09.04.1999, me nr. NIPT K46920001A përfaqësuar nga administratori **Z.Fabrizio Nocchi**, identifikuar nga karta identiteti me nr. **YA7322382**, në cilësinë e administratorit, madhor dhe me zotësi juridike të plotë për të vepruar, adresa: Rruga Motrat Stigmatine (Gjuhadol)-Shkodër, këtej e tutje e cilësuar si Opera Divina Prov. Madonnina d. Grappa.

### Të përgjithshme:

Opera Divina Prov. Madonnina d. Grappa është një shoqatë e themeluar në vitin 1999 sipas vendimit të gjykatës nr.132, dt 09.04.1999, e cila ofron shërbim të përkujdesit rezidencial

dhe ditor për persona me aftësi të kufizuar, të dalë nga institucionet publike të përkujdesit rezidencial, (Qendra e Zhvillimit) dhe familje në vështirësi socio-ekonomike.

Opera Divina Prov. Madonnina d. Grappa **është liçensuar** nga Qendra Kombëtare e Liçensimit ( sot QKB) me nr. Liçense LN – 2137-10-2010, lëshuar me datë 07.10.2010 (pa afat) **me NIPT K46920001A.**

Ajo është aktive në qytetin e Shkodrës që prej vitit 1992 e deri më sot dhe ka si objektiv kryesor asistencën social-sanitare-ekonomike për persona me aftësi të kufizuar.

Fillimisht një prej objektivave ka qenë eksperiencia e deinstitutionalizimit, si koncept i ri i mikpritjes i personave të braktisur dhe pa mbështetje në një ambjent familjar.

Kjo shoqatë përkujdeset për 10 djem të moshave 30-61 vjec dhe 8 vajza të moshës 33-65 vjeç, të gjithë me prapambetje të thellë e të mesme mendore dhe aftësi të kufizuar fizike.

Nevojat e përfituesve janë të ndryshme dhe të shumëllojshme: sociale, ekonomike, shëndetësore, emocionale, etj. Parimi kryesor në ofrimin e shërbimeve bazohet në vlerësimin social e multidisiplinor të nevojave të tyre duke siguruar punën në ekip të personelit.

#### **Vizioni:**

Sigurimi i cilësisë, gadishmërisë dhe efektiviteti i shërbimeve sociale për persona me aftësi të kufizuar duke mbrojtur të drejtat e tyre, si përfitues të drejtpërdrejtë.

Integrimi i 18 personave me aftësi të kufizuar mendore dhe fizike, në jetën komunitare, duke e konsideruar nga Opera Divina Prov. Madonnina d. Grappa këtë kategori, si një pjesë e rëndësishme e shoqërisë sonë, e cila meriton dita-ditës përkujdesjen dhe shërbimet e duhura.

#### **BAZA LIGJORE**

- Ligji nr.139/2015 “Për Vetëqeverisjen Vendore” i ndryshuar;
- Ligji nr 10296/2010 “Për menaxhimin financiar dhe kontrollin” të ndryshuar;
- Ligji nr. 84, datë 24.11.2022 “Për buxhetin e vitit 2023“ të ndryshuar, aneksi 4
- Ligji nr. 97/2023, datë 07.12.2023 “Për buxhetin e vitit 2024“, aneksi 4
- Ligji nr.121/2016 “Për shërbimet e kujdesit shoqëror në Republikën e Shqipërisë“;
- Pagat e punonjësve mbështetës të Opera Divina Prov. Madonnina d. Grappa janë të llogaritura sipas Vendimit nr. 326, datë 31.05.2023 “Për pagat e punonjësve mbështetës dhe punonjësve të tjerë të specialiteteve të ndryshme në disa institucione të administratës publike”, të ndryshuar, (lidhja II, klasa VII për Kujdestarët Social, klasa V për kuzhinieren, klasa IV për magazinier)
- VKM –së nr 325 ,datë 31.05.2023 “Për miratimin e strukturës së pagave, niveleve të pagave dhe shtesave të tjera mbi pagë të zëvendësministrit, funksionarëve të kabineteve, prefektit, nënprefektit, nëpunësve civilë dhe nëpunësve në disa

institucione të administratës publike” të ndryshuar **Lidhja I, klasa IV - 2 për Titullarin, IV - 2 përgjegjës sektori financiar dhe IV- 3 për** Psikologun, punonjësin social, fizioterapistin dhe infermierin.

- VKM nr. 822 date 6.12.2006 “Për miratimin e standardeve të shërbimeve të përkujdesit shoqëror për personat me aftësi të kufizuar, në qendrat rezidenciale dhe ditore”
- VKM nr. 518, datë 04.9.2018,“Për shërbimet e kujdesit shoqëror komunitar e rezidencial, kriteret, procedurat për përfitimin e tyre dhe masën e shumës për shpenzime personale për përfituesit e shërbimit të organizuar”
- Udhëzim nr. 689, datë 02.10.2018 “Për nivelin e kuotave të shpenzimeve për ushqime, në institucionet publike rezidenciale e komunitare të përkujdesjes shoqërore“, i ndryshuar.
- Udhëzimit nr. 30 dt 27.12.2011 “Për menaxhimin e aktiveve në njësitë e sektorit publik” të ndryshuar
- VKB Nr. 71, Datë 27.12.2022 "Për miratimin e Buxhetit të vitit 2023 dhe Programit Buxhetor Afatmesëm Përfundimtar 2023-2025 të Bashkisë Shkodër" të ndryshuar.
- VKB Nr.55, Datë 29.12.2023 "Për miratimin e Buxhetit të vitit 2024 dhe Programit Buxhetor Afatmesëm Përfundimtar 2024-2026 të Bashkisë Shkodër"
- Kërkesa nga shoqata Opera Divina Prov. Madonnina d. Grappa nr. 719 prot, datë 12.01.2024 “Për Shpërndarje buxheti për vitin 2024 dhe nr. 1231 prot, datë 19.01.2024 Struktura e shoqatës Opera Divina Prov. Madonnina d. Grappa.

## **NENI 1** **Objekti**

Objekt i kësaj marrëveshje bashkëpunimi është ofrimi i shërbimeve cilësore për personat me aftësi të kufizuar pranë qendrës Opera Divina Prov. Madonnina d. Grappa, sipas standardeve të miratuara, planifikimi i fondit dhe përgatitja e procedurave për lëvrimin e financimeve për pagat dhe siguracionet e personelit, të kuotës ushqimore për përfituesit që përfitojnë shërbime pranë organizatës Opera Divina Prov. Madonnina d. Grappa si dhe shpenzime operative.

Zbatimi i standardeve të shërbimeve të përkujdesit shoqëror, rritja e cilësisë së shërbimeve për persona me aftësi të kufizuar, në situata disavantazhi për çdo lloj arsyeje, qoftë e krijuar ose shkaktuar.

## **NENI 2** **Qëllimi**

Kjo marrëveshje bashkëpunimi ka për qëllim rregullimin e marrëdhënieve institucionale midis Bashkisë së Shkodrës dhe Opera Divina Prov. Madonnina d.Grappa në zbatimin e

programit të bashkëpunimit me qëllim ofrimin e shërbimeve për personat me aftësi të kufizuar sipas standarteve të përcaktuara me ligj.

### **NENI 3**

#### **Afati i marrëveshjes së bashkëpunimit**

Efektet financiare të kësaj marrëveshje bashkëpunimi do të jetë deri më 31/12/2024.

### **NENI 4**

#### **Rolet dhe përgjegjësitë e Opera Divina Prov. Madonnina d. Grappa**

- Opera Divina Prov. Madonnina d. Grappa administron 1 shtëpi-familje (Shtëpia-familje“Facibenì“) si dhe qendrën ditore ku janë të vendosura dhe zyrat e shoqatës, ofron shërbim për përfituesit e shërbimeve në përputhje me standartet sipas VKM-së nr. 822, datë 06.12.2006, “Për miratimin e standardeve të shërbimeve të përkujdesit shoqëror për personat me aftësi të kufizuar, në qendrat rezidenciale dhe ditore”.
- Opera Divina Prov. Madonnina d. Grappa duhet të paraqesë pranë Drejtorisë së Shërbimeve Sociale, Strehimit dhe Shëndetit Publik të Bashkisë së Shkodrës çdo muaj një raport narrativ mbi ecurinë e shërbimit të ofruar për përfituesit (të dhëna mbi numrin e përfituesve, shërbimet e ofruara, problematika të veçanta për periudhën e raportimit, aktivitetet e zhvilluara gjatë muajit, aspekte të veçanta, etj.)
- Opera Divina Prov. Madonnina d. Grappa bashkëpunon me Bashkinë Shkodër për sistemimin e personave me aftësi të kufizuar, që janë banorë të Bashkisë Shkodër. Për çdo ndryshim që mund të ndodhë përsa i përket numrit të përfituesve (kthim në familje, transferime, vdekje, etj.) si edhe numrit të personelit shërbyes, Opera Divina Prov. Madonnina d. Grappa duhet të informojë në rrugë zyrtare Bashkinë Shkodër.
- Opera Divina Prov. Madonnina d. Grappa merr përsipër të mbulojë kuotën ushqimore për vitin 2024 për përfituesit.
- Për lëvrimin e fondit të vënë në dispozicion në buxhetin e Bashkisë së Shkodrës, Opera Divina Prov. Madonnina d. Grappa çdo fillim muaji duhet të paraqesë pranë Bashkisë së Shkodrës dokumentacionin si më poshtë:
  - Kërkesë për transferim fondi të detajuar;
  - Bordero të punonjësve në paga bruto dhe neto;
  - Bordero të sigurimeve të gatshme për deklarin e Sigurimeve Shoqërore dhe TAP në Degën e Tatimeve;
  - Relacionin narrativ mbi ofrimin e shërbimeve dhe aktivitetëve të muajit paraardhës;
  - Në momentin e pagesës së muajit që vjen pas, duhet të paraqiten edhe urdhër xhirimet që vërtetojnë pagesat e bëra për muajin paraardhës;

- Listë të përfituesve për muajin për të cilin do bëhet pagesa.
- Për lëvrimin e fondit të vënë në dispozicion në buxhetin e Bashkisë së Shkodrës, Opera Divina Prov. Madonnina d. Grappa për kuotën ushqimore të përcaktuar sipas Udhëzimit Nr. 689 datë 02.10.2018 “Për nivelin e kuotave të shpenzimeve për ushqime në institucionet publike rezidenciale e komunitare të përkujdesit shoqëror”, i ndryshuar Opera Divina Prov. Madonnina d. Grappa, duhet të sjellë dokumentacionin sipas procedurës ligjore të menaxhimit të fondeve publike.
- Çdo fillim muaji paguhen pagat e muajit paraardhës.
- Çdo fillim muaji paguhen faturat e energjisë elektrike të çdo muaji.
- Çdo fillim muaji paguhen faturat e ujësjellësit të çdo muaji.
- Çdo fillim muaji paguhen faturat e telefonit të çdo muaji.
- Në rastet e blerjes së materialeve të ndryshme, kryerjes së shërbimeve, për likuidimin e tyre, Opera Divina Prov. Madonnina d. Grappa duhet të sjellë dokumentacionin sipas procedurës ligjore të menaxhimit të fondeve publike.

## NENI 5

### Rolet dhe përgjegjësitë e Bashkisë Shkodër

Bashkia e Shkodrës, ka miratuar fondin në buxhetin e bashkisë për vitin 2024 të miratuar me VKB Nr. 55, Datë 29.12.2023 "Për miratimin e Buxhetit të vitit 2024 dhe Programit Buxhetor Afatmesëm Përfundimtar 2024-2026 të Bashkisë Shkodër", Programin 10430: Kujdesi social për familjet dhe fëmijët, projektin: P10430.Q4.O2.A1 “Shtëpi familje për persona me aftësi të kufizuar nga Opera Madonnina del Grappa“, si një domosdoshmëri për mbështetje në ofrimin e shërbimeve alternative për personat me aftësi të kufizuar, pa përkujdes dhe interesim familjar dhe me problematika të ndryshme, me qëllimin kryesor që këto shërbime të ofrohen sipas standarteve të përcaktuara në ligj për personat me aftësi të kufizuar dhe përmbushjen e nevojave sipas rasteve specifike.

- Fondi i parashikuar në këtë marrëveshje bashkëpunimi me Opera Divina Prov. Madonnina d. Grappa është **17,750,759** lekë ku **17,210,000** lekë nga buxheti i vitit 2024 dhe **540,759** lekë nga tepricat nga fondi i vitit 2023 që do të përdoren në vitin 2024 për energjinë elektrike, ilaçe, veshmbathje, materiale higjienike, kancelari.

○ Paga dhe sigurime	16,660,620 lekë
○ Energji Elektrike	640,759 lekë
○ Ujësjellës	22,000 lekë
○ Telefon	27,380 lekë
○ Ilaçe	100,000 lekë
○ Veshmbathje	100,000 lekë
○ Kancelari	100,000 lekë
○ Materiale Higjienike	100,000 lekë

- Pagat e punonjësve mbështetës të Opera Divina Prov. Madonnina d. Grappa janë të llogaritura sipas Vendimit nr. 326, datë 31.05.2023 “Për pagat e punonjësve mbështetës dhe punonjësve të tjerë të specialiteteve të ndryshme në disa institucione të administratës publike”, të ndryshuar, (lidhja II, klasa VII për Kujdestarët Social, klasa V për kuzhinieren, klasa IV për magazinier)
- Pagat për titullarin, përgjegjës sektori financiar, psikolog, punonjës social, fizioterapist dhe infermierin janë të llogaritura sipas VKM –së nr 325 ,datë 31.05.2023 “Për miratimin e strukturës së pagave, niveleve të pagave dhe shtesave të tjera mbi pagë të zëvendësministrit, funksionarëve të kabineteve, prefektit, nënprefektit, nëpunësve civilë dhe nëpunësve në disa institucione të administratës publike, të ndryshuar, Lidhja I, klasa IV-2 për Titullarin, IV- 2 përgjegjës sektori financiar dhe IV- 3 për Psikologun, punonjësin social, fizioterapistin dhe infermierin.
- Bashkia Shkodër, Drejtoria e Shërbimeve Sociale dhe Strehimit pasi Opera Divina Prov. Madonnina d. Grappa sjell dokumentacionin e përcaktuar në nenin 4 ( kater ) të kësaj marrëveshje bashkëpunimi, përgatit relacionin dhe shkresën përcjellëse për lëvrimin e fondit, për drejtorinë e financës.
- Bashkia Shkodër, Drejtoria e Shërbimeve Sociale dhe Strehimit monitoron ofrimin e shërbimeve të ofruara nga Opera Divina Prov. Madonnina d. Grappa.
- Bashkia Shkodër, Drejtoria e Shërbimeve Sociale dhe Strehimit bashkëpunon me shoqatën Opera Divina Prov. Madonnina d. Grappa për sistemimin e personave me aftësi të kufizuar, që janë banorë të Bashkisë Shkodër.
- Bashkia Shkodër, çdo fillim muaji paguan pagat e muajit paraardhës.
- Efektet financiare për këtë marrëveshje bashkëpunimi do të jenë sipas kohëzgjatjes së kësaj marrëveshje bashkëpunimi, përcaktuar në nenin 3 (tre) të kësaj marrëveshjeje bashkëpunimi.

## **NENI 6**

### **Mënyra e lëvrimit të fondit**

Drejtorja e Financës pranë Bashkisë Shkodër, brenda datës 20 të çdo muaji do të bëjë transferimin e vlerës mujore, në varësi të kërkesës që Opera Divina Prov. Madonnina d. Grappa sjell pranë Bashkisë Shkodër, nga fondi i miratuar, në llogari të Opera Divina Prov. Madonnina d. Grappa në numrin e llogarisë 34345531802, IBAN AL 22208511830000034345531802, në bankën INTESA SAN PAOLO BANK- dega Shkodër.

**NENI 7**  
**Gjuha e marrëveshjes**

Kjo marrëveshje hartohet në gjuhën shqipe.

**NENI 8**  
**Dispozita të fundit**

- Kjo Marrëveshje bashkëpunimi hartohet në katër kopje të barazvlefshme.
- Në rast të zvogëlimit të numrit të punonjësve, fondi do të zvogëlohet në raport me numrin e punonjësve.
- Palët pasi e lexuan marrëveshjen, me vullnetin e tyre të lirë e nënshkruan atë.
- Çdo mosmarrëveshje që mund të lindë gjatë zbatimit të kësaj marrëveshje, do të zgjidhet me mirëkuptim ndërmjet palëve, në rast të kundërt për zgjidhjen e mosmarrëveshjeve palët mund t'i drejtohen Gjykatës kompetente.

**PËR**  
**BASHKINË SHKODËR**

**PËR**  
**OPERA DIVINA PROV. MADONNINA**  
**D. GRAPPA**

**KRYETAR**

**ADMINISTRATOR**

**Benet Beci**

**Fabrizio Nocchi**

**Me Vendim Delegimi**

**Zv/Kryetar**  
**Onid Bejleri**

